


# ҚАРЖЫЛЫҚ МЕНЕДЖМЕНТТІҢ МАҚСАТЫ ЖӘНЕ МІНДЕТТЕРІ.



## **Мақсаты:**

қаржы менеджменті курсының негізгі ұғымдарын меңгеру

## **Дәріс жоспары:**

- 1.Қаржы менеджментінің мәні, функциялары, мақсаты мен міндеттері.
2. Қаржылық менеджердің мақсаты, міндеттері мен ролі
- 3.Қаржы менеджментінің қазіргі теориясының даму кезеңдері

**Қаржы менеджменті - кәсіпорынның қаржылық ресурстарды қалыптастыру, бөлу және пайдаланумен және оның ақша-қаражаттары айналымын ұйымдастырумен байланысты басқару шешімдерін жасау және жүзеге асыру қағидалары мен әдістерінің жүйесі.**

**Менеджмент кәсіпорындардың кәсіпкерлік қызметі шеңберінде және коммерциялық ұйымдардағы әлеуметтік-экономикалық процестерді басқару формасы.**

- **Қаржы менеджменті**

- бұл ақша ағымдары, ақша ресурстары мен қаржылық қатынастарды ұйымдастыруды басқаратын ерекше жүйе.

- - кәсіпкерлік қызметін қаржыландыру процесін басқару нысаны.

## Стратегия



*кәсіпорындағы жалпы  
ұзақ мерзімді бағыт пен  
қойылған мақсатқа  
жету үшін құралдарды  
қолданудың әдіс-тәсілі  
(бағдарламалар) болып  
табылады.*

## Тактика



*белгілі бір жағдайлардағы  
қойылған мақсатқа  
жетудегі белгілі бір қысқа  
мерзімді әдіс-тәсілдер*

- **Қаржы менеджменті басқару жүйесі ретінде екі кіші жүйеден құралады:**
- *Басқару субъектісі (басқаратын жүйе).*
- *Басқару объектісі (басқарылатын жүйе);*

## *Басқару субъектісі:*

- қаржылық басқарудың ұйымдық құрылымы;
- қаржы бөлімінің кадрлары (бухгалтерлер, экономистер);
- қаржы құралдары;
- қаржылық әдістер;
- қаржылық бейнедегі ақпарат;
- қаржылық басқарудың техникалық құралдары.

## ***Басқару объектісі:***

- қаржылық ресурстардың көздері;**
- қаржы ресурстары;.**
- қаржылық қатынастар.**

# Басқару субъектісінің функцияларына

- координациялау
- реттеу
- болжамдау
- жоспарлау
- бақылау

# Жоспарлау

қаржылық менеджментте маңызды роль атқарады. өйткені белгілі бір бұйрық жасау үшін мақсатты қалыптастырып іс-әрекеттер бағдарламасын құрастыру керек. Ал бұл үшін қаржылық іс-әрекеттердің арнайы жоспары жасалады. Басқару функциясы - қаржылық жоспарлау -жоспарлы мақсаттарды құрастырудан бастап оларды жүзеге асырғанға дейінгі барлық іс-әрекеттер кешенін қамтиды.

# Болжамдау

Қаржылық менеджментте- бұл объектің қаржылық жағдайының өзгерісінің ұзақ мерзімді перспективаларын жасау. Болжамдау жоспарлауға қарағанда жасалған болжамдарды іс-жүзіне асыруды мақсат етіп қоймайды. Бұл болжамдар сәйкесінше өзгерістерді алдын ала көру болып табылады.

# ұйымдастыру

Қаржылық менеджменттегі ұйымдастыру функциясы белгілі бір процедуралар мен ережелер негізінде қаржылық бағдарламаны бірге жүзеге асыратын адамдарды біріктіру болып табылады.

# Реттеу

Қаржылық менеджментте - бұл басқару объектісіне әсер ету. Бұл әсер ету арқылы белгіленген параметрлерден ауытқу пайда болған жағдайда қаржылық жүйенің тұрақтылығы қамтамасыз етіледі.

# Координациялау

Қаржылық менеджментте- бұл басқару жүйесінің барлық бөлімшелерінің, басқару аппараты мен мамандардың қызметінің үйлесімділігі.

# Ынталандыру

Қаржылық менеджментте қаржылық служба қызметкерлерінің өз жұмыстарына деген қызығушылығын тудыру болып табылады.

# Бақылау

Қаржылық менеджментте қаржылық қызметтің ұйымдастырылуын, қаржылық жоспарлардың орындалуын және т.б. тексеру болып табылады. Бақылау арқылы қолданылған қаржылық құралдар мен объектінің қаржылық жағдайы туралы ақпарат жиналады, қосымша резервтер мен мүмкіндіктер ашылады, қаржылық бағдарламалар мен қаржылық менеджменттің ұйымдастырылуына өзгерістер енгізіледі.

Қаржы менеджментінің келесі негізгі мақсаттары анықталған:

- - бәсекелестік күрес жағдайында фирманың тұрақтылығы және қаржылық жағдайы;
- - үлкен қаржылық қателіктерді болдырмау, банкроттыққа ұшырамау;
- - фирманың экономикалық потенциалын шоғырландыру;
- - өнім көлемі мен оны өткізуді арттыру;
- - қызметтің рентабельділігін қамтамасыз ету.

**Сонымен, қаржы менеджментінің негізгі мақсаты - тиімді қаржылық саясат көмегімен ағымдағы және келешектегі кезеңде кәсіпорын меншік иелерінің жағдайын жақсартуды қамтамасыз ету. Бұл мақсат кәсіпорынның нарықтық құнын көтеруді қамтамасыз етуде нақты көрінеді. Бірақ бұл бізде қалыптасқан пікірге қайшы келеді. Себебі, кәсіпорынның таза табысын арттырған кезде кәсіпорынның нарықтық құнын бірден көтеру үнемі мүмкін бола бермейді, ол ағымдағы тұтыну мақсатына толық жұмсалу мүмкін.**

**Сөйтіп, кәсіпорын өзінің алдағы дамуы үшін меншікті қаржы ресурстарын қамтамасыз етудің негізгі қайнар көздерінен айырылады. Ал, дамыған кәсіпорындар нарықтағы өздерінің бәсекелестік позициясынан айырылады, ішкі қайнар көздер есебінен меншікті қайнар ресурстарын қалыптастыру потенциалын қысқартады, ол онын нарықтық құнын қысқартуға әкеп соғады. Оның сыртында нарықтық тәуекелі жоғары болғанда және келешекте банкроттық қаупі тонген кезде кәсіпорынның таза табысының деңгейі өседі. Сондықтан, нарықтық жағдайында таза табысты көбейту қаржы менеджментінің негізгі міндеттерінің бірі болып табылады.**